



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10) i članova 64, 129 i 130 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10 i 4/13), razmatrajući Nacrt zakona o dopuni Zakona o vlasništvu i drugim stvarnim pravima Brčko distrikta Bosne i Hercegovine, Skupština Brčko distrikta BiH, na I. nastavku 31. redovne sjednice održanom 20. juna 2018. godine, donosi

**O D L U K U**  
**O ODRŽAVANJU JAVNE RASPRAVE O NACRTU**  
**ZAKONA O DOPUNI ZAKONA O VLASNIŠTVU I DRUGIM STVARNIM PRAVIMA**  
**BRČKO DISTRIKTA BOSNE I HERCEGOVINE**

**Član 1**

Ovom odlukom uređuje se način održavanja javne rasprave o Nacrtu zakona o dopuni Zakona o vlasništvu i drugim stvarnim pravima Brčko distrikta Bosne i Hercegovine

**Član 2**

Nosilac aktivnosti provođenja javne rasprave su Zakonodavna komisija Skupštine Brčko distrikta BiH.

**Član 3**

Zadužuju se Stručna služba Skupštine Brčko distrikta BiH, Vlada Brčko distrikta BiH i Pravosudna komisija Brčko distrikta BiH da u roku od tri (3) dana od dana usvajanja ove odluke, Nacrt zakona iz člana 1 ove odluke učine dostupnim na web-stranici Skupštine Brčko distrikta BiH [www.skupstinabd.ba](http://www.skupstinabd.ba), web-stranici Vlade Brčko distrikta BiH [www.bdcentral.net](http://www.bdcentral.net) i web-stranici Pravosudne komisije Brčko distrikta BiH [www.pkbd.ba](http://www.pkbd.ba).

**Član 4**

Javna rasprava održat će se **5. jula 2018. godine** u prostorijama velike sale Skupštine Brčko distrikta BiH s početkom u **12 sati**.

**Član 5**

Finansijska sredstva za organiziranje i provođenje javne rasprave osigurat će Skupština Brčko distrikta BiH.

**Član 6**

Nakon sprovedene javne rasprave Zakonodavna komisija Skupštine Brčko distrikta BiH sumirat će rezultate kompletne rasprave i podnijeti Skupštini izvještaj s prijedlozima i mišljenjima s javne rasprave.

## Član 7

Zapisnici s javne rasprave bit će dostavljeni poslanicima Skupštine Brčko distrikta BiH, Zakonodavnoj komisiji Skupštine Brčko distrikta BiH, Pravosudnoj komisiji Brčko distrikta BiH, Pravobranilaštvu Brčko distrikta BiH i Vladi Brčko distrikta BiH najmanje petnaest (15) dana prije nego što se Nacrt zakona uputi u proceduru drugog čitanja.

## Član 8

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-410/18  
Brčko, 20. 6. 2018. godine

**PREDSJEDNIK  
SKUPŠTINE BRČKO DISTRIKTA BiH  
Esed Kadrić**

Dostavljeno:

1. Predsjedniku
2. Dopredsjedniku
3. Gradonačelniku
4. Zakonodavnoj komisiji;
5. Kancelariji za upravljenja javnom imovinom
6. Pravosudnoj komisiji Brčko distrikta BiH
7. Apelacionom sudu Brčko distrikta BiH
8. Osnovnom sudu Brčko distrikta BiH
9. Pravobranilaštvu Brčko distrikta BiH
10. Odjeljenju za javni registar
11. Notarima Brčko distrikta BiH
12. Advokatima u Brčko distriktu BiH
13. Sektoru za koordinaciju politika i opće poslove - Odsjeku za opće poslove
14. Arhivi